

# Adoption Assistance (Kev Pab Rau Kev Txais Me Nyuam Los Tu): Cov Kev Hloov Kho

ADOPTION ASSISTANCE: AMENDMENTS



## Adoption Assistance (Kev Pab Rau Kev Txais Me Nyuam Los Tu) (AA)

Adoption assistance (Kev Pab Rau Kev Txais Me Nyuam Los Tu) (AA) yog ib qho kev txhawb nqa rau cov me nyuam uas tau txais kev coj los tu thiab lawv tsev neeg. AA muab Medicaid Txhawb Nqa Muab Kev Saib Xyuas thiab lub hwm tsam hauv kev los thov cov nyiaj them rov qab uas cuam txhuam txog kev txais me nyuam los tu siab txog li \$2,000 ib lub sij lawm. Qee tus me nyuam yaus AA kuj tseem suav nrog cov nyiaj pab txhua hli thiab.

AA yog tsim los ntawm kev pom zoo ntawm Department of Children and Families (Lub Tuam Tsev Hauj Lwm Saib Xyuas Me Nyuam thiab Tsev Neeg) (DCF) hauv Wisconsin thiab cov niam qhuav txiv qhuav. Yuav tsum ua daim ntawv cog lus AA ua ntej kev txiav txim txais me nyuam mus tu. Feem ntau lawm AA yuav siv tau txog thaum tus me nyuam muaj hnuv nyoog 18 xyoos los sis kawm tiav tsev kawm them siab, tshwj tsis yog muaj lwm yam xwm txheej tshwm sim.

Yog xav paub ntau ntxiv hais txog AA, mus saib hauv [Adoption Assistance \(Kev Pab Rau Kev Txais Me Nyuam Los Tu\): Cov Ntaub Ntawv Feem Dav \(DCF-P-PSF0105\)](#).

## Cov Kev Hloov Kho Adoption Assistance (Kev Pab Rau Kev Txais Me Nyuam Los Tu)

Qhov kev hloov kho AA yog **kev nce ib xyoos rau qhov nyiaj pab AA txhua hli**. Qhov kev hloov kho yog tsim los ntawm kev pom zoo txwv lub sij hawm ntawm DCF thiab cov niam qhuav txiv qhuav. Tej zaum cov niam qhuav txiv qhuav yuav thov cov kev hloov kho tshiab txhua xyoo thaum daim ntawv cog lus AA thawj zaug pib siv lawm.

## Kev Muaj Cai Thov rau Kev Hloov Kho Adoption Assistance (Kev Pab Rau Kev Txais Me Nyuam Los Tu)

Txhawm rau kom muaj cai tsim nyog thov rau qhov kev hloov kho AA, cov niam qhuav txiv qhuav yuav tsum:

1. Muaj daim ntawv cog lus AA uas tseem siv tau nrog Wisconsin Department of Children and Families (Lub Tuam Tsev Hauj Lwm Saib Xyuas Me Nyuam thiab Tsev Neeg) (DCF);
2. Ntseeg tias tus me nyuam txoj kev xav, kev coj cwj pwm, los sis kev xav tau ntawm lub cev tau nce ntxiv txij li lub sij hawm saws los tu; **thiab**
3. Ua raws li yam **tsawg kawg nkaus ib qho** ntawm cov kev xav tau nram qab no:
  - Siv sij hawm yam tsawg kawg nkaus 12 lub hlis txij li thaum tus me nyuam raug saws los tu.
  - Siv sij hawm yam tsawg kawg nkaus 12 lub hlis txij li qhov tsis lees paub yav dhau los rau kev hloov kho AA.
  - Hauv 120 hnuv ua ntej hnuv tas sij hawm ntawm kev hloov kho AA.

Txhawm rau thov qhov kev hloov kho AA, tiv tauj rau [DCFAAamendments@wi.gov](mailto:DCFAAamendments@wi.gov) los sis hu rau 1 (866) 666-5532, kev xaiv 2.

## Kev Pom Zoo rau Cov Kev Hloov Kho Adoption Assistance (Kev Pab Rau Kev Txais Me Nyuam Los Tu)

Yuav kom tau txais kev pom zoo rau kev hloov kho AA, **yuav tsum tau ua raws li txhua yam hauv qab no:**

1. Qhov nyiaj pab txhua hli uas tau tsim nyob rau hauv daim ntawv cog lus AA pib ntawd yog tsawg dua \$2,000.
2. Cov niam qhuav txiv qhuav tseem tsis tau lees paub txog kev tsim txom me nyuam los sis kev tsis saib xyuas me nyuam uas raug raws li daim ntawv cog lus AA.
3. Muaj kev hloov pauv loj heev rau tus me nyuam txoj kev xav, kev coj cwj pwm, los sis kev xav tau ntawm lub cev.
  - **Rau kev saws me nyuam tu uas tshwm sim los sis tom qab 7/1/2011:** Tus me nyuam yuav tsum muaj yam tsawg kawg yog tsib qhov kev xav tau nruab nrab los sis ntau dua **thiab** yuav tsum muaj kev xav tau nruab nrab los sis ntau dua li tau txheeb xyuas thaum lub sij hawm saws me nyuam los tu. Cov kev xav tau yog faib raws li [Wis. Admin. Code § DCF 56.23\(2\)\(a\)1.a – e](#).
  - **Rau kev saws me nyuam los tu uas tshwm sim ua ntej 7/1/2011:** Tus me nyuam yuav tsum muaj kev xav tau ntau dua li tau txheeb xyuas thaum kev saws me nyuam los tu. Cov kev xav tau uas tau piav qhia nyob rau hauv tus nqi teev hauv [Wis. Admin. Code § DCF 50.12](#).

Yog tias qhov kev hloov kho tau pom zoo, DCF yuav muab tso rau hauv daim ntawv cog lus hloov kho mus txog kias rau ib xyoos. Cov niam qhuav txiv qhuav yuav tsum xa daim ntawv cog lus hloov kho rov qab mus rau DCF hauv 30 hnuv.

## Kev xam qhov Nyiaj Pab Txhua Hli Uas Hloov Kho Lawm

Yog tias pom zoo rau qhov kev hloov kho rau kev pab rau kev tau txais kuv los tu, qhov nyiaj pab txhua hli uas hloov kho lawm yuav raug xam raws li [Wis. Admin. Code § DCF 50.14\(4\)](#).

Yog tias daim ntawv cog lus AA thawj zaug suav nrog cov nyiaj pab, cov nyiaj pab txhua hli uas hloov kho lawm yuav raug xam los ntawm kev ntxiv ua ke:

- Tus nqi them pib ntawm daim ntawv cog lus AA thawj zaug.
- Tus nqi ntxiv tshiab los ntawm kev thov hloov kho.
- Tus nqi tshwj xeeb los ntawm daim ntawv cog lus AA thawj zaug.

Yog tias daim ntawv cog lus AA thawj zaug *tsis* suav nrog cov nyiaj pab, cov nyiaj pab them nqi kho mob tau hloov kho txhua hli yuav raug xam los ntawm kev ntxiv ua ke:

- Tus nqi them pib raws li tus me nyuam lub hnuv nyoog thaum lub sij hawm thawj daim ntawv thov hloov kho AA (*tsis* yog tus me nyuam lub hnuv nyoog thaum lub sij hawm saws los tu). Cov nqi them pib raws hnuv nyoog yog teev nyob rau hauv [Wis. Stat. § 48.62\(4\)\(a\)](#). Tag nrho cov kev hloov kho tom ntej yuav siv tib tus nqi them pib.
- Tus nqi ntxiv tshiab los ntawm kev thov hloov kho.

Cov nyiaj pab txhua hli uas hloov kho lawm yuav siv tau ntev txog kiag li ib xyoos thiab tsis tuaj yeem tshaj \$2,000 hauv ib hlis. Ib qho kev hloov kho tom ntej, yog tias tau txais kev pom zoo, tej zaum yuav muaj nqi sib npaug, siab dua, los sis qis dua qhov kev hloov kho dhau los. Ib qho nyiaj pab txhua hli uas hloov kho lawm yuav tsis qis dua li qhov nyiaj pab uas tau tsim nyob rau hauv thawj daim ntawv cog lus AA.

## Kev Tsis Lees Cov Kev Hloov Kho Adoption Assistance (Kev Pab Rau Kev Txais Me Nyuam Los Tu)

Tej zaum qhov kev hloov kho AA yuav raug tsis lees paub **yog tias ua raws li ib qho hauv qab no:**

- Cov niam qhuav txiv qhuav yog/twb tau txais kev pab saws me nyuam los tu ntau tshaj plaws txhua lub hlis uas muaj peev xwm pab tau rau tus me nyuam nyob rau hauv [Wis. Admin. Code § DCF 50.14\(4\)](#).
- Tsawg dua tsib tus yam ntxwv xav tau uas raug txheeb xyuas nyob rau them nruab nrab los sis ntau dua rau tus me nyuam. Raws li [Wis. Admin. Code § DCF 50.14\(1\)\(b\)](#), tsawg kawg yog tsib qhov kev xav tau nruab nrab los sis ntau dua hauv cov cheeb tsam uas tau teev tseg hauv [Wis. Code § DCF 56.23\(2\)\(a\) 1. a. txog e.](#) yuav tsum raug txheeb xyuas kom tsim nyog rau qhov kev hloov kho.
- Qib kev xav tau tam sim no uas koj tau txheeb xyuas rau tus me nyuam nyob ntawm los sis qis dua qib uas tau txheeb xyuas thaum lub sij hawm kos npe rau Daim Ntawv Cog Lus Adoption Assistance (Kev Pab Rau Kev Txais Me Nyuam Los Tu). Tej zaum qhov no yuav suav nrog kev nce hauv ib qeb ntawm kev xav tau uas tau them los ntawm kev txo qis hauv lwm qeb kev xav tau, uas ua rau tsis muaj kev nce ntxiv.
- Tau txiav txim siab tias muaj ib daim ntawv tshaj tawm uas cuam tshuam txog kev tsim txom thiab/los sis tsis saib xyuas tus me nyuam los ntawm ib los sis ntau tus niam qhuav txiv qhuav. Raws li [Wis. Stat. § 48.975\(4\)\(b\)2](#), lub tuam tsev tsis tuaj yeem txiav txim siab txog qhov kev thov hloov kho los sis kev thov rau ib qho kev hloov kho yav tom ntej.
- Lub tuam tsev tseem tsis tau txais daim ntawv cog lus uas hloov kho los ntawm cov niam qhuav txiv qhuav.
- Cov niam qhuav txiv qhuav tau qhia rau lub tuam tsev tias lawv tsis xav ua raws li kev thov hloov kho.

Yog tias qhov kev hloov pauv raug tsis pom zoo rau ib qho laj thawj uas tsis yog qhov lees paub ntawm kev tsim txom los sis kev tsis saib xyuas, tus niam qhuav txiv qhuav yuav rov thov dua tau tom qab 12 lub hlis. Yog tias qhov kev thov hloov kho raug tsis kam lees txais, tus niam qhuav txiv qhuav yuav tau txais qhov txuas ntxiv mus ntawm cov nyiaj pab rau adoption assistance (kev pab rau kev txais me nyuam los tu) uas tau piav qhia hauv daim ntawv cog lus adoption assistance (kev pab rau kev txais me nyuam los tu) (yog tias muaj). Kev tsis lees paub qhov kev hloov kho yuav tsis txo qis cov nyiaj pab txhua hli qis dua qhov tau pom zoo thaum xub thawj.



Rau kev piav qhia ntawm tus nqi them pib, tus nqi ntxiv, thiab tus nqi tshwj xeeb, saib hauv [Adoption Assistance \(Kev Pab Rau Kev Txais Me Nyuam Los Tu\): Cov Ntaub Ntawv Feem Dav \(DCF-P-PSF0105\)](#).

## Kev Tas Sij Hawm ntawm Cov Kev Hloov Kho Adoption Assistance (Kev Pab Rau Kev Txais Me Nyuam Los Tu)

Qhov kev hloov kho AA uas tau txais kev pom zoo yuav siv tau rau ib xyoo. Tsawg kawg yog 120 hnuv ua ntej qhov kev hloov pauv tas sij hawm, DCF yuav ceeb toom rau cov niam qhuav txiv qhuav paub txog lub sij hawm tas sij hawm uas los yuav txog. Lub sij hawm ntawd, tej zaum cov niam qhuav txiv qhuav yuav tuaj yeem thov rau qhov kev hloov kho nyob rau tom ntej los sis cia cov nyiaj pab hauv txhua hli rov qab mus rau tus nqi uas tau teev nyob rau hauv thawj daim ntawv cog lus AA.

## Kev Thov Rov Txiaiv Txim Dua Qib Kev Hloov Kho los sis Kev Tsis Lees Adoption Assistance (Kev Pab Rau Kev Txais Me Nyuam Los Tu)

Tej zaum cov niam qhuav txiv qhuav yuav thov kom rov txiaiv txim dua hauv ib qho xwm txheej hauv qab no:

- Kev tsis kam lees qhov kev thov rau kev hloov kho.
- Kev pom zoo ntawm qhov kev hloov kho rau tus nqi qis dua li kev pab rau cov niam qhuav txiv qhuav txiaiv txim siab tsim nyog.
- Kev hloov kho ntawm daim ntawv cog lus AA yam tsis muaj kev pom zoo ntawm cov niam qhuav txiv qhuav.

Lub rooj sib hais rau kev rov txiaiv txim dua yog ib qho kev tawm suab uas twb muaj los ua ntej lawm ntawm Division of Hearings and Appeals (Feem Hauj Lwm ntsig txog Kev Hais Plaub thiab Kev Rov Txiaiv Txim Dua) raws li hauv [Wis. Admin. Code § DCF 50.17\(1\)](#) thiab lwm cov kev cai tswj hwm. Yuav tsum tau xa daim ntawv thov rau lub rooj sib hais plaub tuaj tsis pub dhau 30 hnuv txij li hnuv tau txais daim ntawv ceeb toom pom zoo los sis tsis kam lees txais qhov kev hloov kho. Daim ntawv thov yuav tsum yog muab sau ua ntaub ntawv, kos npe los ntawm niam qhuav txiv qhuav, thiab yuav tsum muaj cov nqe lus hais txog qhov teeb meem.

Kev thov kom rov txiaiv txim dua yuav tsum raug xa mus rau Division of Hearings and Appeals, PO Box 7875, Madison, WI, 53707.

Yog xav paub ntau ntxiv, cov lus nug los sis thov rau kev hloov kho txog kev pab me nyuam saws los tu, tiv tauj rau Wisconsin Department of Children and Families (Lub Tuam Tsev Hauj Lwm Saib Xyuas Me Nyuam thiab Tsev Neeg), Lub Khoos Kas Adoption Assistance (Kev Pab Saws Me Nyuam Los Tu).

**Tus Email:**  
[DCFAAamendments@wi.gov](mailto:DCFAAamendments@wi.gov)  
**Xov tooj:** 1 (866) 666-5532, kev xaiv 2

Department of Children and Families (Lub Tuam Tsev Hauj Lwm Saib Xyuas Me Nyuam thiab Tsev Neeg) yog ib lub chaw hauj lwm thiab chaw muab kev pab uas muaj vaj huam sib luag. Yog tias koj muaj kev xiam oob qhab thiab xav tau kev pab cuam, txais cov ntaub ntawv ua lwm hom ntawv, los sis xav tau cov ntaub ntawv muab txhais ua lwm hom lus, ces thov hu rau Division of Safety and Permanence (Feem Hauj Lwm Tswj Xyuas Kev Nyab Xeeb thiab Chaw Nyob Ruaj) ntawm (608) 266-8787. Cov tib neeg uas lag ntseg, tsis hnov lus zoo, lag ntseg dig muag los sis hais tsis tau lus yuav siv tau Wisconsin Relay Service (Kev Pab Txuas Lus) (WRS) – 711 mus cuag lub chaw hauj lwm.